



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-3-40-268-6/22

Datum: 05.07.2022. godine

„Agencija za vodno područje rijeke Save“ Sarajevo, rješavajući po zahtjevu JKP „Vodovod i kanalizacija“ d.o.o. Tuzla za izdavanje vodne dozvole za zahvatanje vode sa izvorišta „Toplica“, Građ Živinice, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Gradova Tuzla, Lukavac i Živinice, na osnovu člana 139. stav (1) tačka 1. Zakona o vodama ("Službene novine Federacije BiH", broj 70/06), člana 200. stav (1) Zakona o upravnom postupku ("Službene novine Federacije BiH", broj 2/98 i 49/99), donosi

RJEŠENJE **o vodnoj dozvoli**

1. Daje se vodna dozvola podnosiocu zahtjeva JKP „Vodovod i kanalizacija“ d.o.o. Tuzla za aktivnosti na zahvatanju vode sa izvorišta „Toplica“, Građ Živinice, iz 4 (četiri) vodozahvatna objekata-bunara, minimalnog kapaciteta 140 l/s, maksimalnog kapaciteta do 250 l/s u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Gradova Tuzla, Lukavac i Živinice.
2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz sljedeće uslove:
 - 2.1. Da korisnik predmetnih vodozahvatnih objekata iste održava u funkcionalnom stanju i koristi u skladu sa njihovom prirodom i namjenom, te u skladu sa uslovima iz ove vodne dozvole.
 - 2.2. Da korisnik vodocrpilišta u cilju kontrole, evidencije i plaćanja količina zahvaćene vode vrši mjerenje iste, a što se u ovom trenutku obezbijeduje putem mjerača protoka koji je ugrađen na ulazu u sabirnu komoru, Promag 53WDN300, broj:V2.03.00, tip 00000525835. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.3. Da obezbijedi tehničku ispravnost ugrađenog mjernog uređaja za evidentiranje zahvaćenih količina vode, opreme na postrojenju za tretman vode kao i na objektima transportnog sistema (pumpe, vodomjeri, zatvarači itd.), odnosno ishodovati certifikat o verifikaciji mjerača protoke u skladu sa propisima o mjernim uređajima.
 - 2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
 - 2.5. Da se vrši stalna dezinfekcija vode kloriranjem kao i kontrola rezidualnog klora u gradskoj-distributivnoj mreži, a u skladu sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).
 - 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora i drugih komponenti iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izljevanja.
 - 2.7. Da korisnik predmetnih objekata osigura stalni i sistemski pregled vode i preduzme mjere za osiguranje zdravstveno ispravne vode za piće, u skladu sa Pravilnikom o zdravstvenoj ispravnosti vode za piće.

- 2.8. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti samo ovlaštene laboratorije, u skladu sa članom 48 stav 3. Zakona o vodama.
- 2.9. Da ukoliko se redovnim ili vanrednim analizama kvaliteta vode utvrdi da ista ne zadovoljava uslove propisane važećim Pravilnikom o zdravstvenoj ispravnosti vode za piće, vodovodni sistem treba da se isključi iz upotrebe, odnosno da se blagovremeno i na adekvatan način obavijeste krajnji potrošači da voda nije za piće.
- 2.10. Da se stalno sprovode mjere o zaštiti izvorišta po Odluci o ustanovljavanju i održavanju zaštitnih zona izvorišta „Toplice“, broj: 01-023-17/81 od 27.02.1981.god. donesenoj od strane Skupštine opštine Živinice.
- 2.11. Da se u vrijeme trajanja ove vodne dozvole postojeća Odluka o ustanovljavanju i održavanju zaštitnih zona izvorišta „Toplice“, uskladi sa zahtjevima iz "Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva ("Službene novine Federacije BiH", broj 88/12).
- 2.12. Ogradu i ograđeni prostor oko vodocrpilištu „Toplica“, Grad Živinice potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.
3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Prava stečena po ovoj vodnoj dozvoli ne mogu se prenositi na treća lica, a ista se mogu izmjeniti u zakonom propisanim slučajevima.
5. Ukoliko prilikom upotrebe vodozahvatnih objekata koji su obuhvaćeni ovom vodnom dozvolom dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet godina od pravosnažnosti ovog rješenja.
8. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
9. Za izgradnju novih ili rekonstrukciju ili uklanjanje postojećih objekata te promjenu uslova zahvatanja vode na vodocrpilištu „Toplica“, ako bi se time uticalo na promjenu kvaliteta i kvantiteta voda, odnosno ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
10. Ovo Rješenje o vodnoj dozvoli može se izmjeniti ukoliko nastupe okolnosti iz člana 130. stav (1) Zakona o vodama.

Obrazloženje

JKP „Vodovod i kanalizacija“ d.o.o. Tuzla obratio se ovoj Agenciji sa zahtjevom za izdavanje Rješenja o vodnoj dozvoli za aktivnosti zahvatanja vode sa izvorišta „Toplica“, Grad Živinice, iz 4 (četiri) vodozahvatna objekata-bunara, minimalnog kapaciteta 140 l/s, maksimalnog kapaciteta do 250 l/s u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Gradova Tuzla, Lukavac i Živinice.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra izdat od strane Općinskog suda u Tuzli – ovjerena kopija,
 - Uvjerenje o registraciji/upisu u Jedinstveni registar obveznika indirektnih poreza, broj:04/1-17-1-UPJR/1-1214-2/16 od 29.03.2016. godine izdato od strane Uprave za indirektno-neizravno oporezivanje Banja Luka – ovjerena kopija,
 - Uvjerenje o poreznoj registraciji od 16.02.2016. godine izdato od strane Kantonalnog poreznog ureda Tuzla – kopija,
 - Rješenje o vodnoj dozvoli, broj: UP-I/25-3-40-448-5/17 od 19.07.2017. godine izdato od strane Agencije za vodno područje rijeke Save, Sarajevo – kopija,
 - Pravilnik o održavanju, korištenju i osmatranju objekata i opreme izvorišta Toplica, Ru.8.5-02-03 oktobar 2019. godine urađen od strane JKP „Vodovod i kanalizacija“ d.o.o. Tuzla,
 - Ugovor o koncesiji za korištenje izvorišta „Sedam vrela“, „Zatoča 1“, „Zatoča 2“ i „Tarevčica“ u Stuparima, općina Kladanj, „Toplica“ i „Sprečko polje“, općina Živinice u javnom sistemu vodosnabdijevanja Tuzle, broj:5622/16 od 21.06.2016. godine potpisan sa Ministarstvom poljoprivrede, šumarstva i vodoprivrede Tuzlanskog kantona – kopija,
 - Odluka o dodjeli koncesije za korištenje izvorišta „Sedam vrela“, „Zatoča 1“, „Zatoča 2“ i „Tarevčica“ u Stuparima, općina Kladanj, „Toplica“ i „Sprečko polje“, općina Živinice, broj: 02/1-25-9346-7/15 od 23.11.2015. godine donesena od strane Vlade Tuzlanskog kantona – kopija,
 - Certifikat o ugrađenom vodomjeru Promag 53WDN300, broj:V2.03.00, Tip 00000525835 od 09.06.2020. godine izdat od strane Enderss+Hauser – kopija,
 - Pumomoćje od 15.06.2022. godine izdato od strane JKP „Vodovod i kanalizacija“ d.o.o. Tuzla,
 - Izvještaji o rezultatima ispitivanja, broj:1304 od 31.05.2022., broj:1306 od 07.06.2022., broj:1180 od 25.05.2022. urađeni od strane Zavoda za javno zdravstvo Tuzlanskog kantona – kopije,
 - Odluka o ustanovljavanju i održavanju zaštitnih zona izvorišta „Toplice“, broj: 01-023-17/81 od 27.02.1981.god. donesena od strane Skupštine opštine Živinice – kopija
 - Analitički izvještaji, broj:734/22, 735/22, 733/22 od 13.06.2022., broj:245/22, 244/22, 243/22 od 28.02.2022, broj:1779/21, 1780/21, 1781/21 od 10.12.2021., broj:1267/21, 1266/21, 1265/21 od 20.09.2021. godine urađeni od strane Zavoda za javno zdravstvo Federacije BiH – kopije,
 - Rezultati fizičko-hemijskog i mikrobiološkog pregleda vode, broj: 526/22, 886/22 od 14.06.2022., broj: 442/22, 742/22 od 17.05.2022., broj: 331/22, 550/22 od 12.04.2022., broj: 237/22, 394/22 od 15.03.2022., broj: 141/22, 238/22 od 15.02.2022., broj: 48/22, 85/22 od 18.01.2022. godine urađeni od strane JKP „Vodovod i kanalizacija“ d.o.o. Tuzla – kopije,
 - Dokaz o uplaćenju federalnoj upravnoj pristojbi na zahtjev
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20), izvršen je uviđaj na terenu i tom prilikom sačinjen Zapisnik o izvršenom uviđaju broj: UP-1/21-3-40-268-4/22 od 24.06.2022. godine.
- Na osnovu dostavljene dokumentacije, izvršenog uviđaja na licu mjesta utvrđeno je slijedeće:
- Vodocrpilište „Toplica“ nalazi se na prostoru Grada Živinice. Zahvaljujući arteškom karakteru vodonosnika, vodocrpilište "Toplice" je organizovano kao sistem od četiri (4) bušena bunara na kojima se podzemna voda zahvata samoizlivom na koti 234,5 m n.m. Prelivi iz sva četiri bunara su cjevovodom povezani na sabirnu komoru koja je priključena na glavni cjevovod projektovanog kapaciteta do 250 l/s.

- Zahvaćena količina vode se transportuje primarnim cjevovodom DN 600 mm, do postrojenja za tretman voda- Crpna stanica Spreča, a za potrebe vodosnabdijevanje Živinica, Tuzle i Lukavca. Minimalni kapacitet zahvaćene vode iznosi 140 l/s, a maksimalni 250 l/s. Na postrojenju se vrši dezinfekcija vode sa vodocrpilišta „Toplica“. Baždareni mjerač protoka sa vodocrpilišta ugrađen je na ulazu u sabirnu komoru.

- Analizu tj. kontrolu sirove vode vrši laboratorija VIK-a Tuzla, a periodične analize vrše Zavod za javno zdravstvo Federacije Bosne i Hercegovine i Zavoda za javno zdravstvo Tuzlanskog kantona.

- Prva i druga zaštitna zona vodocrpilišta „Toplica“ je propisno ograđena i pod stalnim nadzorom uposlenika JKP „Vodovod i kanalizacija“ d.o.o. Tuzla. S obzirom na vrstu i tip vodozahvatnih objekata, tj vodu koja je u stvari samoizliv, te je kao takva „ranjiva“ u pogledu kvalitativne zaštite, sugerise se operateru da se i u narednom periodu vrši stalni-kontinuirani nadzor prve i druge zaštitne zone izvorišta „Toplica“.

- U toku su aktivnosti na inoviranju zaštitnih zona izvorišta „Toplica“, Grad Živinice, a sve u skladu sa odredbama Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva ("Službene novine Federacije BiH", broj 88/12).

➤ U prethodnom periodu, od izdavanja rješenja o vodnoj dozvoli broj: UP-I/25-3-40-448-5/17 od 19.07.2017. godine, pravno lice nije vršilo dogradnju i/ili izmjenu sistema zahvatanja pitke podzemne vode iz 4 (četiri) vodozahvatna objekata-bunara, minimalnog kapaciteta 140 l/s, maksimalnog kapaciteta 250 l/s u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Gradova Tuzla, Lukavac i Živinice, a koji su priključeni na sistem kojim upravlja JKP "Vodovod i kanalizacija" d.o.o. Tuzla.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 2. dispozitiva ovog Rješenja, propisani uslovi u skladu sa Zakonom o vodama, Pravilnikom o sadržaju, obliku i uvjetima i načinu izdavanja i čuvanja vodnih akata te odredbama Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva JKP "Vodovod i kanalizacija" d.o.o. Tuzla je dužan da u skladu sa članom 44. Zakona o geološkim istraživanjima Federacije BiH („Službene novine Federacije BiH" broj 9/10 i 14/10) izradi i dostaviti na reviziju Federalnom ministarstvu energije, rudarstva i industrije elaborat o klasifikaciji, kategorizaciji i proračunu rezervi podzemnih voda u istražnom, odnosno eksploatacijskom polju.


Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JKP "Vodovod i kanalizacija" d.o.o. Tuzla ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva JKP "Vodovod i kanalizacija" d.o.o. Tuzla ispunio minimum uslova za izdavanje vodne dozvole za zahvat vode u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području Gradova Tuzla, Lukavac i Živinice, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH", broj 6/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH", br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-268-5/22 od 28.06.2022. godine.

Uputa o pravnom lijeku

Protiv ovog rješenja se može uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana prijema Rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:
mr.sc. Selma Merdan, dipl.inž.geol.

Po ovlaštenju
Rukovodilac Sektora za izdavanje vodnih akata


Haris Ališehović, dipl.ing.građ.

Dostaviti:

- JKP "Vodovod i Kanalizacija" Tuzla
ul. 2. Oktobra 1., 75000 Tuzla,
- ⊖ AVP Sava, ISV, Vodna knjiga,
- Sektor 50,
- Sektor 40, arhiva,
- Oglasna ploča